



**KOMMUNALBESTYRELSIP  
IMMIKKUT ITTUMIK ATAATSIMIINNERA  
ATAASINNGORNEQ ULLOQ 27. SEPTEMBER 2021 NAL. 09:00**

**Peqataasut:**

Palle Jerimiassen (AT), borgmester  
Jens Ole Nathanielsen (IA), borgmesterip tullia siulleq  
Sakio Fleischer (S), borgmesterip tullia aappaa  
Aqqalu Clasen Jerimiassen (A)  
Knud Kleemann (A)  
Minik Høegh-Dam (AT)  
Lena Ravn Davidsen (D)  
Bendt B. Kristiansen (IA)  
Niels Davidsen (IA)  
Anthon Frederiksen (N)  
Jens Napâtok' (N)  
Ane Qujaukitsoq (S)  
Elisabeth Nielsen (S)  
Jakob Petersen (S)  
Jens Kristian Therkelsen (S)  
Jørgen Kruse (S)  
Magrethe Christensen (S)

**Pisortaaneq:** Nick Nielsen  
**Imaqarniliortoq:** Pisortaaneq  
**Immikkut peqataasut:** Pisortaqatigiit  
**Nutserisut:**  
**Ingerlannera:** Telefonikkut

<b>KOM</b>	<b>QULEQUTAQ</b>	<b>BILAG</b>
ORI	Ilisimatitsissutit	~
21-050	ICC-mi aallartitassamik inassuteqarneq	001
21-051	Aningaasanik nuussineq, Atuarfik Jørgen Brønlund	002
21-052	Halimi siulersuisussanik toqqaaneq, Uummanaq	003
21-053	Kommunemi Upalungaarsimanermut Ataatsimiittitaliamik pilersitsineq	004
21-054	ESANI pillugu suliareqqineq	005
21-055	Oqaluuserisassatut siunnersuutit	006
21-056	Avatangiisinut Aningaasaateqarfimmiik nuutsitsinissamut qinnuteqaat ATV-nut taartisanik	007
21-057	Najukkami Ataatsimiittitaliani qinersinermi ilaasortat akuerineqarneri	008
21-058	Aningaasaqarnermut Ataatsimiittitaliap kommunalbestyrelsillu ataatsimiinnissaata nikisinneqarneri	009

**Aalajangiussaq:**

**Ataatsimiissutissat akuerineqarput. Jensi peqataasinnaangimmat sinniisaa Aqqaluk Heilmann (N) peqataavoq.**

Ilisimatitsissut:**Borgmesterip angalalluni killiffik pillungu paasititsiniaanissaa**

Pilersaarutit naapertorlungit budgetseminar ingerlasussaavoq ulluni 17. aamma 18. september, kisianni tamanna pisinnaangilaq coronamut killilersuutit atorunnaarnissaat pillugu 24. august kingorna nalunaartoqarnissaa utaqqineqarnikummat. Nunaqarfimmi Aqutsisut kommunalbestyrelsimilu ilaasortat ataatsimoortillungit tikisissangaanni qaammat sioqqullungu angalanissamut pilersaarutit suliarineqarsimannikkaangamik ajornartarpoq, taamaattumik piffissaq eqqarsaatingilluartariaqarpoq budgetseminar ingerlanneqassappat. Ukiap ingerlanerani pisussat ukuupput:

## September qeqqani

Borgmester Nuummiissooq Naalakkersuinikkut Ataqatingiissaarisooqatingiit ataatsimiinnissaani, Amerikami aallartitat borgmesterit tamaasa isumasioqatingiinnermi naapittussaavaat, UNICEF isumasioqatingiisitsissooq Naalakkersuisut borgmesterillu peqatingalungit, Nunanut Allanut, Inuussutissarsiornermut, Niuernermut Silallu Pissusianut Naalakkersuisoq Pele Broberg (N) ataatsimeeqatingisussaavaa.

## Oktoberip aallartinnerani

Dronning Ilulissanut tikittussaavoq uanilu pilersaarusiorderit ingerlanneqartut piviusunnagortinneqassapput.

## Oktoberip qeqqani

Borgmester Aalborgimi Fiskerimessemut peqataasussaavoq.

## Kommunalbestyrelsip ataatsimiinnissaa novemberimi

Allattoqarfimmiit inassutaavoq budgetseminar novemberimi ukiuni kingullerni pisarnertut kommunalbestyrelse ataatsimiinnerani kingullermi Ilulissani ingerlanneqassasoq.

Taamanikkussamut aamma qulakkeereerneqassammat Nunaqarfimmi Aqutsisuni kommunalbestyrelsimilu ilaasortat tamarmik coronamut kapitereersimanissaat.

## Killiffik pillungu paasititsiniaaneq

Ukiap ingerlanerani sapaatip akunnera 38 aamma 39 borgmesteri partiillu siuttui ilangalungit killiffik pillungu paasititsiniaallutik Ilulissani, Uummannami Upernavimmilu angalassapput, sumiiffimmi Nunaqarfimmi Aqutsisut siulittaasui kommunalbestyrelsinilu ilaasortat naapillungit ataatsimiititsissapput. Qaanaami taamatorluinnaq aaqqiisoqassooq, kisianni internet aqqutingalungu ataatsimiinnerit ingerlanneqarlutik.

Aningaasaqarnermi Ataatsimiititaliami ilisimatitsissutit sammineqarmata imaqarniliaq:

Ilisimatitsissut tusaatissatut tinguneqarpoq.

Illut ikuallannikut sumiiffimmi assingiinnigittuni uninngaannartut qanoq iliuseqarfinginissaat suliakkiutaavoq.

Nammineq illuliat sananeqanngittut nunaqarfimmiittut iliuseqarfingineqarnissaat suliakkiutaavoq.

Kommune aningaasanut killiffia ataatsimiinnerit tamaasa saqqummiunneqartassooq.

Nunaqarfimmi Aqutsisut budgetseminar sioqqullungu katersuutsinneqassapput.

**Oktoberimi Danmarkimi angalanissaq**

Aalborg Kongress Center Fiskerimesse ingerlanneqarnissaanut qaaqqusinikuvoq kommunelu saqqummersitsinermit peqataasussaalluni. Angalanermi peqataassapput Aalisarnermut Piniarnermullu Ataatsimiititaliami siulittaasoq, Inuutissarsiornermi Ataatsimiititaliami siulittaasoq borgmesterillu tullia siulleq, Inuutissarsiornermi immikkoortortaqaqfimmiiit sulisut sisamat peqataassapput.

Avannaa Development aningaasaliisussanik ujaasinermini Københavnimi isumasioqatingiisitsisussaavoq, tassani borgmesterip atorfilittani sisamat peqatingissuai.

Danmarks Tekniske Universitetip Arsarnersiorfiup pilersinnissaanut killiffik pillungu borgmester ilisimatittussaavaa, massakkumut kr. 2.5 mio. aningaasaateqarfinniit siunertamut tunniunneqareerput. Amerikarmiut Ambassade-qarfiat aggersaanikuvoq aamma borgmesterip atorfinittanilu pulaassavaat, siunissami illoqarfiup ineriartornissaanut aningaasalersuinissamut periarfissat oqaluuserineqassapput. Middelfart Kommune pulaarneqassooq, siusinaartumik soraarnerussutissiaqartut Middelfart Kommune-mi Danmarkimi ikinnerpaapput paaserusunneqarporlu suliniutit suut ingerlanneqarsimanersut. Borgmester angalareernermi kingorna kommunalbestyrelsimut ilisimatitsiumaarpoq.

**Aningaasaqarnermut Ataatsimiititaliap ataatsimiinnissaa nikisinneqarpoq**

Danmarkimi angalanissaq pequtaalluni Aningaasaqarnermut Ataatsimiititaliap ataatsimiinnissaa ataasinngorneq ulloq 25. oktoberimut nikisinneqarpoq. Tamannalu isumaqarpoq kommunalbestyrelsip ataatsimiinnissaa aamma nikisinneqassasoq tallimannorneq ulloq 29. oktoberimut.

**Aalajangiineq:**

**Ilisimatitsissutit tusaatissatut tinguneqarput.**

<b>Sag nr.</b>	<b>Sammisag</b>	<b>Bilag nr.</b>	<b>001</b>
<b>KOM 21-050</b>	<b>ICC-mi aallartitassamik inassuteqarneq</b>	<b>Journal nr.</b>	

Uteqqiineq:

Kommunalbestyrelse ivertinneqareernermi kingorna ICC-mut aallartitassamik toqqaasussaavoq, aallartitap kommunalbestyrelsip soqutingisai isumasioqatingiinnerni imaluunnit ataatsimiinnerni ingerlattussaavai. Uani suliami kommunalbestyrelsip ICC-mut aallartitassamik toqqaanissaq oqallisingissavaa.

Suliap saqqummiunnera:

Kommunalbestyrelsi ICC-mut aallartitassaminnik atuuffimmini toqqaasarput. Kommunalbestyrelse majimi ivertinneqarmalli suli aallartitassamik toqqaasoqanngilaq. ICC-ip allattoqarfianiit ujartuisoqarpoq isumasioqatingiinnernut ataatsimiinnernut Avannaata Kommunianiit peqataasartussamik, taamaattumik kommunalbestyrelse inassuteqassooq ilaasortassamik.

*Iluarsiinissamut siunnersuut – sammisanut tunngatillugu nalilersuineq*

ICC-mut kommune sinnerlungu aallartitap kommunalbestyrelsip soqutingisai isumasioqatingiinnermi imaluunnit ataatsimiinnerni saqqummiuttartussaavai tassuunakkut kommunalbestyrelsip pingaartitai anguniangaalu saqqummiuneqarlutik.

Kommunalbestyrelsimi partiit borgmesteriutitaqartut imaluunnit illuatungiliuttut ataatsimoorlutik ukiut tulliuuttut sisamat aallartitassamik inassuteqassapput. Qulequtaq qaqinneqarpat oqallisinginerani innersuunneqartoq imaluunnit innersuunneqartut saqqumminunneqassapput aallartitassarlu toqqaarneqarluni.

*Ingerlariaqqinnissaq*

Toqqaanneqartoq ukiut tulliuuttut suliassani qulaani taakkartorneqartuni peqataasassooq ICC-mullu qulequttat attuumasut qanimut malinnaaffingalungit kommunalbestyrelsilu ataavartumik sulianik ingerlasunik ilisimatittarlungu.

Aningaasaqarnermi kingunerisinnaasat:

Kommune karsianut siunniuteqassanngilaq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginninneq:

Aningaasaqarnermut ataatsimiititaliaq  
Kommunalbestyrelse

Aningaasaqarnermut Ataatsimiititaliap aaliangernera:

*Allattoqarfiup Aningaasaqarnermut Ataatsimiititaliamut inassutingaa*

*Aningaasaqarnermut Ataatsimiititaliaq ICC-mut aallartitassamik kommunalbestyrelsimut inassuteqassasoq*

Aaliangerneq:

Partiit borgmesteriutitaqartut Aqqalu C. Jerimiassen (A) inassutingaat ICC-mut aallartitaalissasoq.

**Inassuteqaat:**

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalerneqassasoq

**Ilanngussat:**

Soqanngilaq.

**Aalajangiineq:**

**Siumuklut inassutingaat Ane Qujaukitsoq (S).**

**Taasisoqarpoq. Ane toqqarneqarpoq arfineq pingasunik. Aqqalu toqqarneqarpoq qulaaluanik.**

**Taamaasilluni aallartitatut toqqarneqarpoq Aqqalu C. Jerimiassen (A).**

**Sinniisoqassanersoq misissorneqassooq.**

<b>Sag nr.</b>	<b>Sammisag</b>	<b>Bilag nr.</b>	<b>002</b>
<b>KOM 21-051</b>	<b>Aningaasanik nuussineq, Atuarfik Jørgen Brønlund</b>	<b>Journal nr.</b>	

Uteqqiineq:

Atuarfik Jørgen Brønlund (AJB) Ilulissaniittup qalia ussiippoq, siallertumi mannguttumilu qaliatigut imeq kuuttarluni. Rambøll qanoq issusaanut naliliivoq kiisalu atuarfiup iluarsaannissaata qanoq akeqarnissaa qanorlu suliaasaatigineranik nalunaarusiorluni. Ukioq manna atuarfiup iluarsaannissaanut aningaasanik ujartuinissamut kissaateqarnersoq kommunalbestyrelsi isummeqquneqarpoq.

Suliamik saqqummiussineq:

Atuarfik Jørgen Brønlund atuarfiuvoq pisoqaaq aammalu 2007-imi atuarfik ilaneqarpoq. Atuarfiup pioreersup ilaneqarneratalu akornanni ataatsimut katinnera oqitsumik qaliaqarpoq. Rambøllip nalunaarusiaani paasineqarpoq, siallertumi qaliisa ataatsimut katinnerata akunnerani imeq kuuttartoq. Tassunga atatillugu aamma takuneqarsinnaavoq imeq iikkanut kusertartoq, tassa gipspladit nungullartiterlugit aammalu iikkani oqoqalersinnaaneraniq pasinartoqarsinnaalluni.

Atuarfimmi sulisunit ilisimatitsissutigineqarpoq, upernassakkut mannguleraagat aasakkullu siallertumi qilaamit imeq kuuttartoq.

*Iluarsiinissamut siunnersuut – sammisamut tunngatillugu nalilersuineq*

Qulaani taaneqareersut tunngavigalugit aamma Rambøll aningaasanik missingiussai naapertorlugit, Sanaartornermut immikkoortortaqaarfiup innersuussutigaa iluarsaassinissamut 2021-imi kr. 800.000-nik aningaasaliisoqassasoq taamaalilluni ukioq manna iluarsaasisoqarsinnaalerluni.

Sananeqarnerani oqoqarneranut pasitsaassineq tunngavigalugu sakkortuumik innersuussutigineqarpoq iluarsaassineq sukkanerpaamik aallartinneqarnissasoq.

*Ingerlaqqinnissaq*

Inassuteqaat ataatsimiititaliap akuersissutigissappagu Aningaasaqarnermut Ataatsimiititalip kingornalu Kommunalbestyrelsip sammisag aalajangiiffigissavaa.

Aningaasaqarnermi kingunerisinnaasat:

Immikkoortoq una akuersissutigineqassappat aningaasaliissutit kr. 800.000-t ataani allattoqqasut nuunneqassapput, Atuarfik Jørgen Brønlund-ip qaliata saqqaatalu isaterneqarnissaanut atorneqassapput tassungalugu atatillugu sanaartornermut kontumik pilersitsisoqassaaq *Renovering Atuarfik Jørgen Brønlund*, Atuarfik Jørgen Brønlund-ip iluarsaannera.

750230 Atuarfiit Fælles	122060100 Kurser medarbejdere	300
750230 Atuarfiit Fælles	132010500 Anskaffelse af inventar	100
750202 Atuarfik Mathias Storch	122060100 Kurser medarbejdere	50
750201 Atuarfik Jørgen Brønlund	122060100 Kurser medarbejdere	50
750205 Edvard Krusep Atuarfia	122060100 Kurser medarbejdere	50
750213 Prinsesse Margrethe Skolen	122060100 Kurser medarbejdere	50
750222 Kullorsuup Atuarfia	122060100 Kurser medarbejdere	30
750223 Avannersuup Atuarfia	122060100 Kurser medarbejdere	20
720203 Misi Avannaa	122060101 Kurser Billet/Transp.	150
		<b>800</b>

Inatsisitigut tunngavissaq allakkallu tunngaviusumik uppernarsaatitalit

- Kommunalbestyrelsesimi ataatsimiinneq 4. december 2020, 2021-imut kommunimi missingersuutitut tunngasoq
- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq

Suliamik suliarinnittoq:

Ineriartortitsinermut Ataatsimiititaliaq  
Aningaasaqarnermut Ataatsimiititaliaq  
Kommunalbestyrelse

Aningaasaqarnermut Ataatsimiititaliap aaliangernera:

*Ingerlatsiviup Aningaasaqarnermut Ataatsimiititaliamut inassutingaa  
Qulaani aningaasat taakkartorneqartut Atuarfik Jørgen Brønlund-ip iluarsaanneqarnissaa siunertaralungu  
nuunneqassasut*

Aaliangerneq:  
Inassuteqaat akuerineqarpoq.

**Inassuteqaat:**

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalerneqassasoq

Ilanngussat:

Bilag 002-01: Ilasutitut aningaasaliissutitut immersugassaq  
Bilag 002-02: AJB, qanoq inneranut naliliineq  
Bilag 002-03: AJB, aningaasatigut missingiut

**Aalajagiineq:**

**Inassuteqaat akuerineqarpoq.  
Bilag-it nassiunneqassapput, imaqarniliaq.**

Sag nr.	Sammasaq	Bilag nr.	003
KOM 21-052	Halimi siulersuisussanik toqqaaneq, Uummannaq	Journal nr.	

Uteqqiineq:

Kommunalbestyrelse atuunnermini Uummannami halimi siulersuisuni marlunik ilaasortassanik toqqaasarpog. Ukiormanna kommunalbestyrelsi maajimi ivertinneqarpoq, uanilu suliami kommunalbestyrelsip Uummannami Innuttaasunit Sullissivimmiit siulersuisunut ilaasortassatut inassutingineqartut akueriniarnerlungit aaliangiiffingissuaa.

Suliap saqqummiunnera:

Uummannami hali nammineq ingerlasuuvoq siulersuisoqarluni. Kommunalbestyrelse atuuffimmini marlunnik siulersuisuni issiatitaqartarpoq, kommunalbestyrelsillu ivertinneqareernerata kingorna nutaanik issiasussanik toqqaasogartussaavoq.

*Iluarsiinissamut siunnersuut – sammisanut tunngatillugu nalilersuineq*

Allattoqarfimmiit Uummannami Innuttaasunit Sullissivik suliakkinneqarpoq halimi siulersuisunut ilaasortassanik inassuteqartoqassasog, ukualu illoqarfimmi aqutsisup inassutingai ilaasortaassasut:

- Elisabeth Nielsen, kredsmandat Uummannami
- Ane Mette Nielsen, Peqqinnermi Sunngiffimmilu aqutsisuungallartoq

Uani pingaaruteqarpoq atorfik pineqarmat, taamaattumik Peqqinneq Sunngiffimmi aqutsisumik ataavartumik atorfinittussaq siulersuisuni ilaasortaalissammat.

Kommunalbestyrelsimi ilaasortaq tulluuttinneqarpoq Uummannap eqqaani qinerneqarnerpaaq ilaasortaatinneqassasog. Peqqinneq Sunngiffimmi sulisog annertuumik suliaqarfimmini halimut attuumassuteqarnera peqqutingalungu ilaasortaanissaa tulluuttinneqarpoq.

Uummannami Illoqarfiup Pisortaata inassutaasa avataatingut kommunalbestyrelsimi partiit inassuteqarsinnaapput amerlanerussuteqarnermi taaneqartut siulersuisuni ilaasortaalissapput.

*Ingerlariaqqinnissaq*

Kommunalbestyrelsimi taaneqartut sulinertik maleruaqqusat naapertorlungit ingerlatissuaat. Ataatsimiittarnerit pilersaarutit naapertorlungit ukiup ingerlanerani ingerlanneqartarput.

Aningaasaqarnermi kingunerisinnaasat:

Kommunip karsianut sunniuteqassanngilaq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Suliffeqarfiup imminut pigisup Uummannami Timersortarfiup malittarisassai april 2000-meersut

Suliamik isumaginnineq:

Aningaasaqarnermut ataatsimiititaliaq  
Kommunalbestyrelsi



Aningaasaqarnermut Ataatsimiititaliap aaliangerera:

*Allattoqarfiup Aningaasaqarnermut Ataatsmiititaliamut inassutingaa  
Qulaani Uummannami halimi siulersuisussatut inassutingineqartut akuersissutingineqassasut*

## Aaliangerneq:

Partiit borgmesteriutitaqartut inassutingaat Isak Hammond. Illuatungiliuttut kommunalbestyrelsimi ataatsimiinnermi inassuteqassapput.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalerneqassasoq

Ilanngussat:

Bilag 003-01: Uummannami aqutsisup allangai

Bilag 003-02: Siulersuisut malittarisassa, Uummannami timersortarfik

Aalajangiineq:

**Illuatungiliuttut Sakio Fleischer (S) inassutingaat.  
Ilaasortaalerpullu Sakio Isaarlu.**

<b>Sag nr.</b>	<b>Sammisag</b>	<b>Bilag nr.</b>	<b>004</b>
<b>KOM 21-053</b>	<b>Kommunemi Upalungaarsimanermut Ataatsimiitsitaliamik pilersitsineq</b>	<b>Journal nr.</b>	

Uteqqiineq:

Kommunalbestyrelsip iverterneqareermermi pisussaatitaaffingivaa kommunemi Upalungaarsimanermut Ataatsimiittitaliassamik pilersitsinissaq. Taamaattumik Teknikkimut Ataatsimiitsitaliaq qinnuigineqarpoq immikkoortoq pilersitsinissamut tunngasoq suliareqqullugu.

Uani suliame kommunalbestyrelsip ataatsimiittitaliat suliaq ingerlassimasaat oqallisingissavaa aaliangiiffingalungulu.

Suliamik saqqummiineq:

Inatsisit upalungaarsimanermut atuuttut naapertorlugit, kommunalbestyrelsi pisussaavoq kommunemi upalungaarsimanermut ataatsimiittitaliamik pilersitsissalluni. Ataatsimiittitaliap suliassaraa upalungaarsimanermut tunngasuni najoqqutassiat pingaarnerit.

*Aaqqiissutissatut siunnersuut – suliamut ilisimasalittut nalilersuut*

Kommunemi upalungaarsimanermut ataatsimiittitaliaq minnerpaamik 6-nik ilaasortaqaassaaq, taakkunanga sisamat kommunalbestyrelsimit toqqagaassallutik. Taakkunanga pingasut kommunalbestyrelsimi ilaasortaassapput ataaserlu kommunemi teknikkeqarfimmu ingerlatsivimmi atorfiliussalluni. Tamatuma saniatigut ataatsimiittitaliami ilaasortaapput kommunep upalungaarsimanermut pisortaatitaa Isak Pjettursson aamma ilaasortaqaataseq Kalaallit Nunaanni Politimesterip toqqagaa.

Upalungaarsimanermut ataatsimiittitaliaq ataavartumik ataatsimiittitaliaanngilaq, soorlu ataatsimiittitaliat ataavartut allatut suliassaat tassaapput kommunalbestyrelsimiit piumasaqaatigisat. Taamaasilluni suliassatigut pingaarnertigut aalajangiisassaaq upalungaarsimatitaaneq pillugu, kommunep ataaniittuni, tassunga ilaallutik siunniussat aamma pingaarnersiunerit. Tamakku assersuutingalungu tassaasinnaapput kommunemi nunap immikkoortuini pilersaarutit upalungaarsimanermut suliassaqaarfimmu tunngasut.

Aningaasaqarnikkut kingunissai:

Aningaasaqarnikkut kinguneqassanngilaq.

Inatsisitigut toqqammaviit pappilissatigullu sinaakkusiussat:

- Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliuusissat pillugit Inatsisartut inatsisaat nr. 14, 26. maj 2010-meersoq
- Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliuusissat pillugit Inatsisartut inatsisaata allanngortinneqarnissaa pillugu Inatsisartut inatsisaat nr. 14, 27. november 2018-imeersoq

Suliamik Ingerlatsisut:

Teknikkimut Ataatsimiittitaliaq  
Aningaasaqarnermut Ataatsimiittitaliaq  
Kommunalbestyrelse

Teknikkimi Ataatsimiititaliami aaliangerneq:

*Ingerlatviup ataatsimiittitaliamut inassutigaa:*

*Ataatsimiittitaliap upalungaarsimanermut ataatsimiittitaliap pilersinnissaa akuersissutigissangaa apeqqullu kommunalbestyrelsimut ingerlateqqillugu, ilaasortaasinnaasunik innersuutitalimmik ilallugu*

Aaliangerneq:

Akuerineqarput. Teknikkeqarnermut ataatsimiittitaliamiit uku ilaasortassatut siunnersuutigineqassasut: Palle Jerimiassen, Niels Davidsen, Sakio Fleischer, Karl Madsen (Teknikkeqarnermut Ingerlatsivik).

Aningaasaqarnermut Ataatsimiititaliap aaliangernera:

*Teknikkimut Ataatsimiititaliap Aningaasaqarnermut Ataatsimiititaliamut inassutingaa:*

*Teknikkimi Ataatsimiititaliap aaliangingaa ilalerneqassasoq*

Aaliangerneq:

Inassuteqat akuerineqarpoq.

**Inassuteqaat:**

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalerneqassasoq

Tapiliussatut atortussiat:

Soqanngilaq.

**Aalajangiussaq:**

**Inassuteqaat akuerineqarpoq.**

<b>Sag nr.</b>	<b>Sammisag</b>	<b>Bilag nr.</b>	<b>005</b>
<b>KOM 21-054</b>	<b>ESANI pillugu suliareqqineq</b>	<b>Journal nr.</b>	

### Uteqqineq:

Namminersorlutik Oqartussat oqaloqatigenerata kingorna politikikkut aalajangiunneqarpoq Avannaata Kommuniata ESANI-imut peqataaqqilernissamut apeqqut suliareqqinneqassasoq. Taamaattumik Tekniskimut Ataatsimiititaliaq qinnuigineqarpoq suliap ingerlateqqinnissaanut isummeqqullugu. Uani suliami kommunalbestyrelsip Ataatsimiititaliat suliat ingerlassimasaat oqallisingissavaa aaliangiiffingalungulu.

### Suliamik saqqummiineq:

Kommunalbestyrelse novembarip qaammataagaa 2019-imi aalajangerpoq ataatsimut nuna tamakkerlugu eqqagassalerivik ESANI-imit peqataajunnaarniarluni. Tamassuma kingorna aalajangerneqarpoq kommuni piffinni, eqqagassalerivik pillugu suliaqaqqinniarluni ilaatigut piffinni ikuallaaveeqqanik pilersitsinikkut. 2021-p aasaagaa Namminersorlutik Oqartussat borgmesteri Tekniskimullu Ataatsimiititaliap siulittaasua ataatsimiipput, tassani oqaatigineqarpoq kommunimi piffinni eqqagassalerineq akuersissutigineqarsinnaanngitsoq taamaattumillu kissaatigineqarpoq, kommunip ESANI-imut peqataaqqilernissaanut apeqqut suliareqqinneqassasoq.

### *Iluarsissummik siunnersuut– suliamik naliliineq*

Teknikikkut Ingerlatsivik 2020-imili piffinni ikuallaaveeqqanik eqqagassalerinermut tulluartunik ujartuilluni suliaqarpoq. Namminersorlutik Oqartussanit ikuallaavinnut taakkununga piumasaqaataasut imaassimapput, EU-p avatangiisinut piumasaqaataasunut naammassinnissasut, Sisimiuni aamma Nuummi ikuallaaviit sananeqartartut assigninik. Ikuallaaveeqqat tunisassiarineqartut ikittuinnaat piumasaqaataasunut naammassinnissinnaapput. Kommuni Canadamiit firma ECO Waste-imit ikuallaavimmik suliaqarpoq. Naak tunisassiorfiup taassuma atugassiarisimagaluaaraat namminneq isumartik malillugu, EU-p piumasaqaataanut naammassinnissinnaanerarlugit, taamaakkaluortoq Namminersorlutik Oqartussat tungaanniit nalunaarutigineqarpoq, nalilernerani ilumuunngitsuunerarlugu taamaattumillu ikuallaaviit taakku akuersissutigineqassanngitsut. Taamaattumik Namminersorlutik Oqartussat tungaanniit kissaatigineqarpoq, kommuni nuna tamakkerlugu eqqagassalerivimmu ESANI-imut peqataaqqilernissaa. Kiisalu Namminersorlutik Oqartussat ilisimatitsissutigaa 2019-imi pilersaarussiaq ineriartortissimallugu taamaalillunilu naggataasumik iluarsissut ungasikkunnaarlugu taannalu Kalaallit Nunaat tamakkerlugu atorneqarsinnaanarpaat.

Namminersorlutik Oqartussat ilisimatitsissutigaa 2024-imiit ikuallaavinnut ammaannartunut imaluunniit piumasaqaataasunut aalingersakkanut naammassinnissimannngitsunut akuersissummik tunisisoqarsinnaajunnaassasoq. Avannaanut ima kinguneqassaaq, ikuallaaviit tamarmik, Ilulissani ikuallaavik ilanngullugu tamassuma kingorna atorneqarsinnaajunnaassasut. Teknikikkut aningaasatigullu iluarsissummik tulluartumik 2024-imut piareersimasussamik ujartuinissaq ajornakusuaq piffissarititaq taama sivikitsigitillugu.

### *Ingerlariaqqinnissaq*

Teknikkimi Ataatsimiititaliap qulequtaq kommunalbestyrelsimut oqaluuserisassanngorlungu ingerlatippaa. Aningaasaqarnermut Ataatsimiititaliami kommunalbestyrelsimut qulequtaq qaqqinneqannginnermini misissuisoqaqaarnissaa aaliangerpaa.

### Kingunissaai:

Piffinni periusissiap suliareqqinnissaata kingunissaa ilisimaneqanngilaq Namminersorlutik Oqartussat tungaanniit aalajangersimasumik iluarsiiisutip atuutilernissaanut ukiunik marlunnik pingasunilluunniit killeqartitsimmat. Ilisimatitsissutigineqassaaq piffissarititaq piviusorpalaanngimmat, ima paasillugu, Avannaata Kommuniata Namminersorlutik Oqartussap tunngavilersuutaasa iluanni piffinni eqqagassalerineq piareersinnaanngitsoq. ESANI-imi peqataalernissamat tunngatillugu kommuni komunitut allatut atugassarititaasut assigalugit peqataalersinnaasooq aamma ESANI tamassuma kingorna siunissami eqqagassalerinermi akisussaaqataalissasooq.

### Aningaasatigut kingunissai:

Kommunimi piffinni eqqagassalerinermi iluarsiiisut, nunaqarfimmi ataatsimi illoqarfinnilu sisamani inissisimasuni, piffinni atorneqartut kommunimut kr. 711 mio. miss. ukiut 20-t sinnerlugit ingerlanerani akeqassagatinneqarput (ukiut 20-t tassaapput ikuallaaviit iluamik aserfallatsaaliorneqarlutik piusinnaanerit), soorlu aamma ingerlatsineq aserfallatsaaliorneqarnerallu eqqarsaatigalugit. ESANI aqqutigalugu iluarsiiisut aamma ukiut 20-t tulluuttut sinnerlugit kr. 211 mio. akeqarnissaat naatsorsuutigineqarpoq. Pisuni taakkunani marlunni atortulersuutinut pitsanngorsaanerit alliliinerillu kr. 135.0 miss naatsorsorneqarput. Iluarsiiisut arlaalluunniit atuutilissagaluarpat ukiup tullianiik aningaasaqarnermut pissutsit kommunip missingersuutaanut ilannguneqareertariaqassapput. Taamaattumik aalajangerneq pingaartuuvoq aningaasat pisariaqartitat immikkoortinneqarnissaanut aamma pilersaarutip aallartisarneqarnissaanut, kommunip anguniagaanut Namminersorlutillu Oqartussat piumasaaqaataanut piviusunngortitsisoqassappat. Taamaattumik aalajangiinerup ingerlatsineq aamma sanaartornermut susassaarfik sunnertussaavaa.

### Inatsisitigut tunngaviusooq:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersooq
- Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersooq
- Kommunalbestyrelsimi ataatsimiinneq 29. november 2018
- Kommunalbestyrelsimi ataatsimiinneq 26. november 2019
- Kommunalbestyrelsimi ataatsimiinneq 11. maj 2020

### Suliarinnittut:

Teknikkimut Ataatsimiititaliaq  
Aningaasaqarnermut Ataatsimiititaliaq  
Kommunalbestyrelsi

### Teknikkimi Ataatsimiititaliami aaliangerneq:

*Ingerlatsiviup ataatsimiititaliamut innersuussutigaa:*

*Ataatsimiititaliap immikkoortoq aningaasaqarnermut ataatsimiititaliamut nassiunnissaa qinissagaa suliareqqinnissaa pillugu, ESANI-imut peqataalernissaaq innersuussutigalugu*

*Imaluunniit*

*Ataatsimiititaliap immikkoortoq aningaasaqarnermut ataatsimiititaliamut nassiunnissaa qinissagaa suliareqqinnissaa pillugu, innersuussutigalugu piffinni atuuttup suliareqqinnarneqarnissaa pillugu*

Aaliangerneq:

Immikkoortoq kommunalbestyrelsimut suliarineqartussanngorlugu ingerlateqqinneqarpoq. Teknikeqarnermut Ingerlatsivik peqatigalugu ESANI-mut apeqqutissat piareersarneqassapput missingersuutit pillugit isumasoqatigiinnissamat.

Aningaasaqarnermut Ataatsimiititaliap aaliangerera:

*Teknikkimut Ataatsimiititaliap Aningaasaqarnermut Ataatsimiititaliamut inassutingaa:  
Teknikkimi Ataatsimiititaliap aaliangingaa ilalerneqassasoq*

Aaliangerneq:

Aningaasaqarnermi Ataatsimiititaliap kommunalbestyrelsimi aaliangiinnginnermi attuumassuteqanngittumik misissuisoqqaarnissaa kissaatingaa, soorlu EU-mi maleruaqqusat nunatsinni pinngittaaliissummik atorneqassanersut, attuumassuteqanngittumik misissuinerit inernerit budgetseminarimut saqqummiunneqassapput.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalerneqassasoq

Ilanngussanut atortut:

- Bilag 005-01: Avannaata Kommuniani eqqagassalerineq, Avatangiisinut Immikkoortortaqrifiup aningaasartuutissanut naatsorsuutai
- Bilag 005-02: Avannaata Kommuniata ESANI pillugu Namminersorlutik Oqartussanut allagaqaataa

Aalajangiineq:

**Inassuteqaat akuerineqarpoq.**

<b>Suliaq nr.</b>	<b>Pineqartog</b>	<b>Ilanng. nr.</b>	<b>006</b>
<b>KOM 21-055</b>	<b>Oqaluuserisassatut siunnersuutit</b>	<b>Journal nr.</b>	

Uteqqiineq:

Kommunalbestyrelsimut ilaasortat siunnersuutitik allattoqarfimmut ingerlatittarpaat, suliallu qanoq ingerlanissaannik allattoqarfik nassuiaasarpog.  
Uani suliami kommunalbestyrelse ilisimatinnegarpog siunnersuutit qanoq allaffissornermi ingerlaqqissasut.

Suliap saqqummiunnera:

Kommunalbestyrelse ilaasortat siunnersuutaat suliarineqartussat ataatsimiititaliamut ersarissarneqarput.

**#1 Anthon Frederiksen (N)**

A) Ilulissani aqquserngit Mathias Storchip Aqquataata Alunngakasiullu naapiffiata biilnut kajallattarfilernissaanut siunnersuut

**Ingerlaqqinnissaq:** Suliassaq Teknikkimut Ataatsimiititaliamut suliakkiunneqassooq, tassani eqqartorneqareeruni Aningaasaqarnermi Ataatsimiititaliamut inaarutaasumik ingerlatinneqassooq.  
**Naammassereersimanissaa:** Kingusinnerpaamik ataatsimiititaliani martsimi sammineqareersimassooq.

B) Aningaasaateqarfimmut qinnuteqartartussamik ukioq 2022-ip aallartinneraniit Avannaata Kommuniani atorfinittisisoqarnissaanut aningaasanik immikkoortittisisoqarnissaanut siunnersuut

**Ingerlaqqinnissaq: Suliaq** Aningaasaqarnermut Ataatsimiititaliamut suliakkiunneqassooq, tassanilu eqqartorneqareeruni, Kommunalbestyrelsimi aaliangiiffigisassanngorlugu ingerlatinneqassalluni  
**Naammassereersimanissaa:** Kingusinnerpaamik martsimi sammineqareersimassooq.

C) Kommunitisinni ningittangaarsiutit qassutaarsiut allallut aalisarnermi piniutaarsiutit qallorneqarnissaat pillugit aalisakkeriviit assigiinngitsut KNAPK-llu akileeqataaffigisaannik isumaqatigiissuteqarniartoqarnissaanut siunnersuut.

**Ingerlaqqinnissaq:** Suliassaq Aalisarnermut Piniarnermullu Ataatsimiititaliamut suliakkiunneqassooq, tassani eqqartorneqareeruni Aningaasaqarnermi Ataatsimiititaliamut inaarutaasumik ingerlatinneqassooq.  
**Naammassereersimanissaa:** Kingusinnerpaamik ataatsimiititaliani martsimi sammineqareersimassooq.

**#2 Aqqalu Jerimiassen (A)**

A) Appani eqaloqarfiup nakkutigineqarnera pillugu siunnersuut

**Ingerlaqqinnissaq:** Suliassaq Inuussutissarsiornermut Ataatsimiititaliamut aamma Aalisarnermut Piniarnermullu Ataatsimiititaliamut suliakkiunneqassooq, tassani eqqartorneqareeruni Aningaasaqarnermi Ataatsimiititaliamut inaarutaasumik ingerlatinneqassooq.  
**Naammassereersimanissaa:** Kingusinnerpaamik ataatsimiititaliani martsimi sammineqareersimassooq.

B) Avatangiisinut siunnersortimik piffissami killilingaasumi atorfinittisinissamik siunnersuut

**Ingerlaqqinnissaq:** Suliassaq Teknikkimut Ataatsimiititaliamut suliakkiunneqassooq, tassani eqqartorneqareeruni Aningaasaqarnermi Ataatsimiititaliamut ingerlatinneqassooq.  
**Naammassereersimanissaa:** Kingusinnerpaamik ataatsimiititaliani martsimi sammineqareersimassooq.

**#3 Jens Ole Nathanielsen (IA)**

A) Uummannami nipilersortarfeqalernissamik siunnersuut

**Ingerlaqqinnissaq:** Suliassaq Inerisaanermut Ataatsimiititaliamut suliakkiunneqassooq, tassani eqqartorneqareeruni Aningaasaqarnermi Ataatsimiititaliamut ingerlatinneqassooq.

**Naammassereersimanissaa:** Kingusinnerpaamik ataatsimiititaliani martsimi sammineqareersimassooq.

B) Uummannami sungiusaatnik nipilersuutitaarnissamut siunnersuut

**Ingerlaqqinnissaq:** Suliassaq Inerisaanermut Ataatsimiititaliamut suliakkiunneqassooq, tassani eqqartorneqareeruni Aningaasaqarnermi Ataatsimiititaliamut ingerlatinneqassooq.

**Naammassereersimanissaa:** Kingusinnerpaamik ataatsimiititaliani martsimi sammineqareersimassooq.

C) Qaanaami nipilersortarfeqalernissamik siunnersuut

**Ingerlaqqinnissaq:** Suliassaq Inerisaanermut Ataatsimiititaliamut suliakkiunneqassooq, tassani eqqartorneqareeruni Aningaasaqarnermi Ataatsimiititaliamut ingerlatinneqassooq.

**Naammassereersimanissaa:** Kingusinnerpaamik ataatsimiititaliani martsimi sammineqareersimassooq.

D) Qaanaami sungiusaatnik nipilersuutitaarnissamut siunnersuut

**Ingerlaqqinnissaq:** Suliassaq Inerisaanermut Ataatsimiititaliamut suliakkiunneqassooq, tassani eqqartorneqareeruni Aningaasaqarnermi Ataatsimiititaliamut ingerlatinneqassooq.

**Naammassereersimanissaa:** Kingusinnerpaamik ataatsimiititaliani martsimi sammineqareersimassooq.

E) Avannaata Kommuniani aqqissuussamik nipilersornermut atuarfeqalernissaanut siunnersuut

**Ingerlaqqinnissaq:** Suliassaq Inerisaanermut Ataatsimiititaliamut suliakkiunneqassooq, tassani eqqartorneqareeruni Aningaasaqarnermi Ataatsimiititaliamut ingerlatinneqassooq.

**Naammassereersimanissaa:** Kingusinnerpaamik ataatsimiititaliani martsimi sammineqareersimassooq.

**#4 Jørgen Kruse (S)**

A) Aalisartut illumik sullivingisinnaasaannik umiatsialeriviusinnasumik qamusiorfiusinnaasumik neqitsersorfiusinnaasumik atortunik iluarsaaffingisinnaasaannik Uummannami pilersitsisoqarnissaanik siunnersuut

**Ingerlaqqinnissaq:** Suliassaq Teknikkimut Ataatsimiititaliamut suliakkiunneqassooq, tassani eqqartorneqareeruni Aningaasaqarnermi Ataatsimiititaliamut inaarutaasumik ingerlatinneqassooq.

**Naammassereersimanissaa:** Kingusinnerpaamik ataatsimiititaliani martsimi sammineqareersimassooq.

B) Ilulissani aalisartunut sullivimmik pilersitsinissamut siunnersuut

**Ingerlaqqinnissaq:** Suliassaq Teknikkimut Ataatsimiititaliamut suliakkiunneqassooq, tassani eqqartorneqareeruni Aningaasaqarnermi Ataatsimiititaliamut inaarutaasumik ingerlatinneqassooq.

**Naammassereersimanissaa:** Kingusinnerpaamik ataatsimiititaliani martsimi sammineqareersimassooq.



**#5 Palle Jerimiassen**

A) Innaarsunni, Naajaani Aappilattumilu ataatsimoorussamik nunaqarfinni aqutsisut, Aappilattumi Multihus-i pillugu suliap ingerlanneqarnissaanut kaammattuutaat

**Ingerlaqqinnissaq:** Suliassaq Tamat Oqartussaaqataanerannut Nunaqarfinnillu Ineriartortitsinermut Ataatsimiititaliamut suliakkiunneqassooq, tassani eqqartorneqareeruni Aningaasaqarnermi Ataatsimiititaliamut inaarutaasumik ingerlatinneqassooq.

**Naammassereersimanissaa:** Kingusinnerpaamik ataatsimiititaliani martsimi sammineqareersimassooq.

**#Ilaasortat sinneri**

Ilaasortat siunnersuutingisimasai imaluunniit apeqqutingisimasai suliarineqarlutik naammassineqarsimapput imaluunniit suliarineqarput.

*Ingerlariaqqinnissaq*

Qulaani siunnersuut taakkartorneqartoq allattoqqarfimmi suliakkiissutaavoq naammassereernissaanullu ullut killiliunneqartut naapertorlungit ataatsimiititaliani susassaartumi saqqummiunneqassalluni.

Aningaasaqarnermi kingunerisinnaasat:

Soqanngilaq.

Inatsisitigut tunngavigisaaq, toqqammavissiisutullu allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginnineq:

Aningaasaqarnermut Ataatsimiititaliaq  
Kommunalbestyrelse

Aningaasaqarnermut Ataatsimiititaliap aaliangernera:

*Allattoqarfiup Aningaasaqarnermi Ataatsimiititaliamut inassutigaa  
Ataatsimiititaliap ilisimatitsissutit qulaani saqqumminneqartoq tusaatissatut tingussangaa*

Aaliangerneq:

Inassutingineqartoq akuerineqarpoq.

**Inassuteqaat:**

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalerneqassasoq

Ilanngussat:

- Bilag 006-01: Anthon Frederiksen, Ilulissani aqquserngup naapiffiata biilinu  
kajallattarfilernissaanut siunnersuut.
- Bilag 006-02: Athon Fredeksen, Aningaasaateqarfinnut qinnuteqartartussamik  
atorfinititsisoqarnissamut aningaasanik immikkoortitsisoqarnissaanut siunnersuut.
- Bilag 006-03: Aqqalu Classen Jerimiassen, Appani eqaloqarfiup nakkutigineqarnera pillugu  
siunnersuut.
- Bilag 006-04: Aqqalu Classen Jerimiassen, Avatangiisinut siunnersortimik piffissami  
killilingaasumi atorfinititsinissamik siunnersuut.
- Bilag 006-05: Jens Ole Nathanielsen, Uummannami nipilersortarfeqalernissamik siunnersuut.
- Bilag 006-06: Jens Ole Nathanielsen, Uummannami sungiusaatiniq nipilersuutitaarnissamut  
siunnersuut.
- Bilag 006-07: Jens Ole Nathanielsen, Qaanaami nipilersortarfeqalernissamik siunnersuut.
- Bilag 006-08: Jens Ole Nathanielsen, Qaanaami sungiusaatiniq nipilersuutitaarnissamut  
siunnersuut.
- Bilag 006-09: Jens Ole Nathanielsen, Avannaata Kommuniani aqqissuussamik nipilersornermut  
atuarfeqalernissaanut siunnersuut.
- Bilag 006-10: Jørgen Kruse, Aalisartut illumik sullivingisinnaasaannik Uummannami  
pilersitsisoqarnissaanik siunnersuut.
- Bilag 006-11: Jørgen Kruse, Ilulissani aalisartunut sullivimmik pilersitsinissamut siunnersuut.
- Bilag 006-12: Palle Jerimiassen, Aappilattumi Multihus-i pillugu suliap ingerlanneqarnissaanut  
kaammattuut.
- Bilag 006-13: Anthon Frederiksen, Aalisarnermi piniutiniq annaasanik qalluinissaq pillugu  
isumasioqatigiinnissamut siunnersuut.

Aalajangiineq:**Inassuteqaat akuerineqarpoq.**

Suliaq nr.	Qulequtaq	Tapil. nr.	007
KOM 21-056	Avatangiisinut Aningaasaateqarfimmiik nuutsitsinissamut qinnuteqaat ATV-nut taartisanik	Journal nr.	18.01.02

Uteqqiineq:

Ikerasammi atserinermi ingerlatsissutit aserormata pisariaqarpoq taartissaannik ingerlatsissuteqarnissaq. Taamaattumik qinnutigineqarpoq ilassutinik tapiinissaq kr.150.000.-nik *Avatangiisinut Aningaasaateqarfimmiik*, kontomut *Ingerlatsissutinut pisissutissanut* sanaartornermut konto iluani.

Suliamik saqqummiineq:

Aasap ingerlanerani atserinermik suliallip Ikerasammi ingerlatsissutai aserorput. Malitsiinnarlugu Uummannamiik ATV-nik nunaqarfimmut nassiussisoqarpoq, taannali aamma aserorpoq. Aamma assartuut nunaqarfimmiittup aallartinniartarnera ajornartorsiortitsivoq taamaasilluni nunaqarfimmi eqqagassalerineramik suliaqarneq unammillernangaatsiarnartumut inissillugu.

Aaqqiissutissatut siunnersuut – suliamut ilisimasalittut naliliissut

Maanna Ikerasammi ATV-mik pedelinut atugassiamik nunaqarfik peqarpoq. Taakkunannga pisineq aallaaveqarpoq kommunalbestyrelsi aalajangermat nunaqarfinni 8-ni pedelit ATV-nik pisissunneqassasut. Ikerasammi pedeli angallassissutinut allagartaqanngimmat atorsinnaanngikkallarpai. Nunaqarfimmi pisoq pissutigalugu siunnersuutigineqarpoq, atserisut ATV atorsinnaasoq atulissangaat. Taamaannerani qinnutigineqarpoq *Avatangiisinut Aningaasaateqarfimmiik* sanaartornermut aningaasaliissutinut kontomiik konto-mut *Ingerlatsissutinut pisissutissanut* nuussisoqassasoq aamma sanaartornermut aningaasaliissutit kontoannut. Aningaasat taakku atussapput nunaqarfimmi pedelip ATV-saanut nutaanut, taamaasilluni allagartaqaleruni atornissaanut piareersimaniassammata.

Avatangiisinut Aningaasaateqarfiup atuinerani apeqqutaassaaq suliniutit qassit tapiiffigineqarnissaat Namminersorlutik Oqartussaniit. Ukioq manna sinneqartoortussatut ilimanarpoq, tamannalu pissutaavoq aningaasat kr.150.000-tit *Avatangiisinut Aningaasaateqarfimmiik* nuunneqarsinnaammata. Taamaasiornikkut qulakkeerneqassaaq siuliatuut atserinermik suliaqarnerup nangeqqinneqarsinnaanera aammalu pedelip ATV-ni taarsertissinnaassallugu.

Aningaasatigut kingunissai:

Nuunneqassapput kr. 150.000 Avatangiisinut Aningaasaateqarfimmiik kontomut Ingerlatsissutinut pisissutissanut.

Inatsisitigut toqqammavik aamma uppernarsaatitut sinaakkusiussat:

- Kommunalbestyrelsip ataatsimiinnera nr. 07/20

Suliamik isumaginnineq:

Aningaasaqarnermut ataatsimiittitaliaq  
Kommunalbestyrelse

**Aningaasaqarnermut Ataatsimiititaliap aaliangerera:**

*Allattoqarfiup Aningaasaqarnermut ataatsimiittitaliamut inassutigaa  
Akuersissutigineqassasoq kr.150.000 nuunneqassasut Avatangiisinut Aningaasaateqarfimmiik kontomut  
Ingerlatsissutininut pisissutissanut*

**Aaliangerneq:**

Inassuteqaat akuerineqarpoq. Teknikkimut Ataatsimiititaliami sammisaq misissuiffingineqassasoq ataatsimiititaliamit kissaatingineqarpoq.

**Inassuteqaat:**

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalerneqassasoq

**Tapiliussatut atortussiat:**

Bilag 007-01: Immersugassaq nuutsitsinermut skema  
Bilag 007-02: Kommunalbestyrelsip ataatsimiinneraniik imaqarniliaq nr. 07/20

**Aalajangiussaq:**

**Inassuteqaat akuerineqarpoq.  
Atserinermi atortut misissorneqassapput akisussaaffiup iluani inerisaanissaq eqqarsaatingalungu  
soorlu kramerit atornerlutik.**

<b>Sag nr.</b>	<b>Sammissaq</b>	<b>Bilag nr.</b>	<b>008</b>
<b>KOM 20-057</b>	<b>Najukkami Ataatsimiititaliani qinersinermi ilaasortat akuerineqarneri</b>	<b>Journal nr.</b>	

Uteqqiineq:

Upernaaq kommunalbestyrelsimut qinersisoqarpoq aamma taamatut Najukkami Ataatsimiititaliamut qinersinerit septemberip aallartinnerani ingerlanneqarput. Uani suliami kommunalbestyrelsip qinersinerup inerneru akuersissutingissuaa.

Suliap saqqummiunnera:

Kommunalbestyrelse aaliangernikuuvoq Najukkami Ataatsimiititalianut qinersisoqassasoq septemberip aallartinnerani, uanilu Tamat Oqartussaqaataanerannut Nunaqarfinnullu Ineriartortitsinermut Ataatsimiititaliaq kommunalbestyrelsimut pisinnaatinneqarluni suliakkinneqarpoq qinersinissamut sinaakkusersuissasoq. Ataatsimiititaliaq ataatsimiikkami 12. juli qinersinerup ingerlanissaanut sinaakkusersuivoq, uanilu ileqqoreqqusami pingaarnertut malitassat marluk allangortinneqarput. Siulleq, illoqarfimmi qinerneqarnerpaaq kommunalbestyrelse sinnerlungu ilaasortaalisaaq. Aappaattut, kikkut tamarmik sassarsinnaalerput.

*Iluarsiinissamut siunnersuut – sammisanut tunngatillugu nalilersuineq*  
Qinersinermi sumiiffinni ataasiakkaani ukua qinerneqarput:

**Ilulissat:**

- Aqqalu C. Jerimiassen (KOM)
- Brian Grønvold
- Jens Peter K. Rosbach
- Jonas Fleischer
- Paarnannuaq Mathiassen

**Uummannaq:**

- Ane Zeeb Pjettursson
- Aviaaja Grønvold
- Elisabeth Nielsen
- Maria Nielsen
- Sakio Fleischer (KOM)

**Upernavik:**

- Aqqaluk Heilmann
- Johanne Geisler Zeeb
- Julie Karlsen
- Knud Kleemann (KOM)
- Naja Nuka Kaspersen

**Qaanaaq:**

- Ane Qujaukitsoq (KOM)
- Ane P. Qujaukitsoq
- Jens Danielsen
- Sofie D. Simigaq
- Tukummeq Peary

Sinniisoqarpoq, taakkualu allattoqarfimmi pingineqarput innuttaasunullu saqqummiunneqareerlutik.

Ingerlariaqqinnissaq

Kommunalbestyrelsip qinersisimaneq akuerippangu Najukkami Ataatsimiititaliami sulineq pisarnertut aallartinneqassooq.

Kingunerisassat:

Ataatsimiititaliaq 12. juli kommunalbestyrelsimut pisinnaatinneqarluni sinaakkutit allangorlungit suliagarpoq, taakkualu ilanngussamiippat. Allattoqarfik siunnersuuteqarpoq imarisai allangornangit tulluussarneqassat, taakkualu aamma ilanngussamiippat. Tulluussarneqartut una qulequtaq akuerineqarpat atuutilernissaat naattorsuutingineqassooq.

Aningaasaqarnermi kingunerisinnaasat:

Toqqannartumik karsimut sunniuteqassanngilaq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginnineq:

Tamat Oqartussaaqataanerannut Nunaqarfinnullu Ineriartortitsinermut Ataatsimiititaliaq  
Økonomiudvalg  
Kommunalbestyrelse

**Inassuteqaat:**

Allattoqarfiup kommunalbestyrelsimut inassutingaa

Najukkami Ataatsimiititaliami qinersisimaneq akuerineqassasoq

Ilanngussat:

Bilag 008-01:	Tamat Oqartussaaqataanerannut Nunaqarfinnullu Ineriartortitsinermut Ataatsimiititaliami 12. juli imaqarniliaq
Bilag 008-02:	Tusangassiutitingut nalunaarut
Bilag 008-03:	Najukkami Ataatsimiititaliami ileqqoreqqusat ulloq 12. juli
Bilag 008-04:	Najukkami Ataatsimiititaliap suleriesissaat ulloq 12. juli
Bilag 008-05:	Najukkami Ataatsimiititaliami ileqqoreqqusassatut siunnersuutit
Bilag 008-06:	Najukkami Ataatsimiititaliap suleriesissatut siunnersuutit

**Aalajangiineq:**

**Inassuteqaat akuerineqarpoq. Sinniisoqarnermut attuumasoq ataatsimiititaliamut susassaqtumut ingerlatinneqassapput.**

Sag nr.	Sammasaq	Bilag nr.	009
KOM 21-058	Aningaasaqarnermut Ataatsimiititaliap kommunalbestyrelsillu ataatsimiinnissaata nikisinneqarneri	Journal nr.	

Uteqqiineq:

Danmarkimi angalanissaq peqqutingalungu ataatsimiinnissat nikisinneqarput. Uani qulequttami kommunalbestyrelsip oqallisingissavaa aaliangiiffingalungulu ataatsimiinnissat oktiberimi nikisiallannissaat.

Suliap saqqummiunnera:

Kommunalbestyrelsip ataatsimiinnissai nikisiallanneqassapput Danmarkimi angalanissaa peqqutingalungu.

*Iluarsiinissamut siunnersuut – sammisanut tunngatillugu nalilersuineq*  
Ataatsimiinnissat ullunut ukununga nuunneqarput.

- Aningaasaqarnermut Ataatsimiititaliaq ataasinngorneq ulloq 25. oktober
- Kommunalbestyrelse tallimannorneq ulloq 29. oktober

Ingerlariaqqinnissaq

Akuerineqarunik ataatsimiinnerit ulluni taakkartorneqartuni ingerlanneqassapput.

Aningaasaqarnermi kingunerisinnaasat:

Kinguneqassanngilaq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginninneq:

Kommunalbestyrelse

**Inassuteqaat:**

Allattoqarfiup kommunalbestyrelsimut inassutingaa

Ataatsimiinnissamut ullut nikisinneqarnerat akuerineqassasoq

Ilanngussat:

Soqanngilaq.

**Aalajangiineq:**

**Inassuteqaat akuerineqarpoq.**

Ataatsimiinneq naavoq nal.:

**Atsiorfissaq:**

Aqqalu Clasen Jerimiassen (A) \_\_\_\_\_

Knud Kleemann (A) \_\_\_\_\_

Minik Høegh-Dam (AT) \_\_\_\_\_

Palle Jerimiassen (AT) \_\_\_\_\_

Lena Ravn Davidsen (D) \_\_\_\_\_

Bendt B. Kristiansen (IA) \_\_\_\_\_

Jens Ole Nathanielsen (IA) \_\_\_\_\_

Niels Davidsen (IA) \_\_\_\_\_

Anthon Frederiksen (N) \_\_\_\_\_

Jens Napâtok' (N) \_\_\_\_\_

Ane Qujaukitsoq (S) \_\_\_\_\_

Elisabeth Nielsen (S) \_\_\_\_\_

Jens Kristian Therkelsen (S) \_\_\_\_\_

Jakob Petersen (S) \_\_\_\_\_

Jørgen Kruse (S) \_\_\_\_\_

Magrethe Christensen (S) \_\_\_\_\_

Sakio Fleischer (S) \_\_\_\_\_